



Comunicado de Imprensa # 9, 1-3 de dezembro de 2015

PN Aprova OGE 2016 iha Generalidade

Parlamento Nacional, iha 3 dezembro 2015, aprova ho unanimidade (votos a favor 65, contra 0 no abstenção 0) Orçamento Geral do Estado ba tinan 2016, iha generalidade, ho montante \$ 1.562.233.

Debate iha generalidade ne'e la'o durante loron tolu nia laran, hahu hussi 1 to'o 3 dezembro 2015.

Iha abertura ba discussão OGE 2016 ne'e, Primeiro-Ministro Rui Maria de Araújo hatete katak Proposta Orçamento Geral do Estado ba tinan 2016 hamutuk \$ 1.562.233, inclui empréstimo, no hussi montante ne'e fahe ba categoria: Salário no Vencimento hamutuk \$ 181.529, Bens e Serviços, inclui Fundo de Desenvolvimento do Capital Humano, hamutuk \$ 468.988, Transferências Públicas hamutuk \$ 475.775, Capital Menor hamutuk \$ 17.565, no Capital Desenvolvimento, inclui Fundo Infraestrutura, hamutuk \$ 418.376.

Primeiro-Ministro dehan valor ne'ebé Governo propõe ne'e tun uitoan, compara ho orçamento tinan uluk nian, ne'ebé resulta hussi análise ida realista no kle' an kona-ba necessidade no prioridade sira, atu iha consideração ba conjuntura mundial ne'ebé minarai nia

Comunicado de Imprensa

folin tun no bele afeta ba economia mundial, maibé sempre ho preocupação atu la bele sees an hussi investimento ne'ebé continua iha área hirak ne'ebé permite ita atu nafatin lori ba oin diversificação no crescimento sustentável iha ita-nia economia.

Atu Timor-Leste bele sai nu'udar nação ida-ne'ebé ho rendimento médio-aas to'o tinan 2030, sei precisa crescimento ida forte no qualidade economia não petrolífero ida boot. Entre tinan 2007 no 2012 Governo implementa ona política económica hirak ne'ebé lori ita ba taxa crescimento económico ida aas.

Entretanto liutiha aprovação iha generalidade ba proposta Orçamento Geral do Estado tinan 2016 ne'e, continua kedas hodi discute no vota Projeto de Deliberação do Parlamento Nacional número 14/2015 hodi forma Comissão Eventual hodi recolhe no analisa propostas de alteração consensuais ba proposta de lei número 33/III (4ª) – Orçamento Geral do Estado ba tinan 2016. Deliberação ne'e aprovado ho votos a favor 57, contra 8 no abstenção 0.



Comunicado de Imprensa # 9, 1-3 de novembro de 2015

Comunicado de Imprensa

Composição Comissão Eventual nian, tuir artigo 3º hussi Projeto de Deliberação do Parlamento Nacional número 14/2015, mak hannessan: Comissão de Finanças Públicas ho nia membro tomak, Presidente ho nia Vice-Presidente sira, representante bancada FRETILIN na'in-6, representante bancada CNRT na'in-2, representante bancada PD na'in-1, no representante bancada Frente-Mudança na'in-1, além de Presidentes Comissão sira-nian ho nia Vice-Presidente Comissões nian quando hetan substituição. Comissão Eventual ne'e rassik preside hussi Presidente Parlamento Nacional.

